

tertius Aenfridus, quartus Willelmus, quintus Hugo monachus Sancti Michaelis de Monte.

CAP. XXXI. *Fontanetum monasterium.*

Monasterium Sancti Stephani Fontaneti primus Radulfus Taison, qui fuit avus tertii Radulfi, patris scilicet Jordani Taison adjutus ab Herneisio fratre suo, condidit. Primus abbas ibi constitutus est Gaufridus, monachus Sancti Wandregesili, secundus Hugo monachus Toarni, tertius Herbertus, monachus Cadomi, quartus Willelmus monachus ejusdem loci, quintus Robertus monachus Cadomi.

CAP. XXXII. *De Monte-Burgensi (35) monasterio.*

Monasterium Montis-Burgi ædificatum est a Rogerio, monacho Sancte Crucis, in dominio ducis Normanniae. Cujus primus abbas effectus est idem Rogerius vir religiosus, et socius Wimondi, qui postea fuit episcopus Aversanus. Huic Rogerio praedictus Wimondus scribit librum De corpore Domini. Secundus abbas fuit Ursus subprior Gemmetici; qui ordine et ædificiis eumdem locum nobilitavit, tertius Petrus, quartus Walterius, ejusdem loci monachi.

Hanc abbatiam dedit Henricus rex Anglorum Ri-

A cardo de Reviers, ut eam custodiret, et augmentaret sicut propriam: quod et idem facere curavit.

CAP. XXXIII. *Monasterium de Ibreio (36).*

Rogerius de Ibreio condidit monasterium de Ibreio. Primus abbas fuit Petrus monachus Columbensis, secundus Durandus monachus Becci, tertius Osbernus monachus Fiscanni, quartus Hubertus monachus Columbensis, quintus Normanus monachus Becci, sextus Hubertus monachus Sancti Petri Carnoti: nullus autem eorum adhuc potuit reperire ibi sepulturam.

CAP. XXXIV. *De Lonleiensi (37) monasterio.*

Monasterium Sanctæ Mariæ Lonlei primus Willelmus Talevatus, qui castrum domini Frontonis in monte, exciso nemore, erexit, ædificavit: qui locus licet sit in episcopatu Cenomanensi, ad ducatum tamen Normanniae pertinet. Primus abbas ibi fuit Willelmus monachus Sancti Benedicti Floriaci, secundus Hugo monachus ipsius monasterii, tertius Garinus monachus Ebronis, quartus Ranulfus monachus Cadomi, quintus Lamfredus monachus ejusdem monasterii, sextus Joannes monachus Sancti Launomari Blesis; quo deposito, successit septimus Bermo monachus Sancti Martini Majoris Monasterii.

(35) *Montebourg.*

(36) *Ynry*

(37) *Lonlay.*

# ROBERTI DE TORINNEIO

## PROLOGUS

IN ABBREVIATIONEM EXPOSITIONIS EPISTOLARUM APÒSTOLI SECUNDUM AUGUSTINUM.

Est quidam Liber immensus magnitudinis, continens ea quæ B. Augustinus in libris suis, sive epistolis, ex Apostolo sumpta exposuit. Hoc opus a quibusdam vocatur *Florus*, quia ex diversis opusculis beati Augustini excerptus, et quasi deslroratus est. A quo autem illud opus collectum et ordinatum sit, plurimi dubitant. Quidam autem hunc Bedæ presbytero ascribunt; et hoc ideo, quia in fine historiæ Anglorum enumerans opuscula sua, inter alia hoc ad verbum posuit: *In Apostolum quæcunque in opusculis sancti Augustini inveni dicta, per ordinem transcribere curavi.* Unde et quidam prædicta verba, et alia nonnulla in eadem historia sibi connexa assumentes, loco prologi prædictæ collectioni sententiârum sancti Augustini ponunt, ex eo volentes probare Bedam auctorem hujus operis. Ego autem magis assertior Cassiodoro senatori et monacho, viro undecunque doctissimo, qui antiquitate temporis, ne dicam multiplici rerum scientia, utpote con-

sul, apocrisiarius Theodorici regis Gothorum, Bedæ præcedere non dubitandus est; cum et ipsius Bedæ annotationes in Apostolum ex libris sancti Augustini vulgo habeantur. Qui liber totus non adæquatur magnitudine medietati solius expositionis epistolæ ad Romanos, quæ in hoc opere habetur. Qui autem prædictam collectionem ordinavit, Cassiodorus in quodam suo libro ita posuit. *Petrus abbas Tripolitanæ provinciæ, sancti Pauli Epistolas ex capitulis opuscilorum B. Augustini subnotasse narratur, ut per os alienum sui cordis declararet arcanum. Quæ ita singulis locis competenter aptavit ut hoc magis studio beati Augustini credam esse perfectum. Nihil est sic alterum ex altero dilucidasse, ut nulla verborum suorum adjectione permista desiderium cordis proprii complesse videatur.* De hoc opere exceptiones subsequentes lecimus ex majori parte librorum reliquorum B. Augustini, flores sententiârum iis adjecimus.